

آبونه شرائطی : هریر ایچون
سنه لکی (۴۰۰) آلتی آیلمی
(۲۲۵) ممالک اجنیه ایچون
سنه لکی (۴۵۰) ، آلتی آیلمی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع المنونیه
قبول اولتور . درج ایدلمه یین
یازیلا اعاده اولتماز .

الدوره

آدره من تبدیلنده آیریجه
• غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنیه ایچون آبونه
اولانلرک آدرسلیرنکه
فرانسزجه یازلمی رجا اولتور .

پاره کوندردلیدی زمان نهیه
داثر اولدی بیله یرلمی
رجا اولتور

اتبعون اهدکم سیل الرشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

منهجر اولور: صفات وخصائص مادیه وعقلیه جه هر ایکی صنف
بیننده مساوات ممکناندن وتحقیق جائز شیلردن در. آنجق یوقاروده
بحث ایتدیکمز بعض صفات وخصائص بونلردن مستنادرکه بو فرقلر
مادی اولقله برابر ایکی صنف بیننده معنوی وعقلی دیگر بر طاقم
فرقلده انتاج ایدر. از جمله قادین شو ذکر ایتدیکمز اسبابدن
طولانی ارککدن دها چاروق اوصانور وپورولور وقوای فکریه سی
دها کج طویلار. کذلک اوندن دها چاروق فکریی ورایلری
تبدیل ایدر. وبوندن طولانی اراده سی، عزمی، ثباتی دهاضعیفدر.

اجتماعیه نامه غربییلر وبرز غربییلر:

عصری قانون

۳

جمعیت مزك «ته نورقاسی وقهریقالم» بقایاسیله معلول اولدینی ثابت
اولدقدن صکره الكیو كسك بر مفهوم اولان حقوق شخصیه و عمومی
تلقیاتی، وبو تلقیاتك قوه نشیته وتأییدیه سندن بشقه برشی اولیان قوانین
حقنده کی وجهه لرینك تدقیق ایجاب ایدر. تاكه اسلامیتك، ناصل
ذیشمول وواسع بر احاطه ایله عدالتك تجلیسی، رفاه شخصی واجتماعی
حصولی مؤمن شرائط واوصافی، قدرت تطبیقیه یی حائز اساسلر کال
مبدولیتله مالک اولدینی، غرب مدینتک هنوز دها بوتکاملنه واصل
اولقدن جوق اوزاقده بولدینی دلائیله تعین ایتسون.

اسلامیت نظرنده حق، تعدد ایتمه یی بر کال لایتغیردر. جناب حقك
وحدانیق بو کالک الك طالی بر مفکوره سیدر، حقوق که حقایق اشیایه
مطابق، مصونیت شخصیه واجتماعیه یه، رفاه بشری وسعادت سرمدیه
منتهی وسائط ووسائلك، حدود وشرائطك، دساتیر واساساتك هیئت
مجموعه سندن عبارتدر؛ شریعتك الك محترم، الك واجب الصیانه عدایتدیکی
بر کادر.

«حقوق عباد، هیئت اجتماعیه اسلامییه نك مناسبات شخصیه
وعومیه لرنده عامل اولان مفهوم لری محتوی اولدینی قدراداری تکامللرک
الکواسع معالری بشریتك واصل اولق ایستهدیکی روح کاله قدر
ایصال ایتکده در. معلوم اولدینی اوزره فعله انقلاب ایدن هر بشری حاده
بذاته تحصیل و تشکل ایتش اولیوب درجه درجه تحسس، تفکر،
محاکمه، اراده صفحه لرندن کچرک تکمل ایتشدر. تکملاتك ده مختلف
الشکل استحال لری موجوددر. شو حالده الک مادی عداولنان ایشلریله
معنوی بر اثرک مولودیدر. معنویات ایسه بالکمز فعل ایچون بر آلت
وبرواسطه ماهیتده دکل، انسانیت ایچون ده مسعود بر فایه در.

اولورکه او حال ایچند، انسان الك عادى والك واهی سبیلرله کولر، آغلار. بعضاً
سریر بصری خسته لیر و بو تقدیرده اختیاری کولر، آغلار. مالک سئک
طبقه قشریه ده کی مرکزی آفتزده اولور وانسانی آغلادان ویا کولدورن
اشیایله حادثانه قارشی صانکه هیچ بر علاقه ومناسبتی یوقش کی حسسز،
طونوق بر حالده طورور بو ایکی مرکز علل وامراضدن وشیدیدور غولقدن
سالم اولد قجه توازن طبیعی بالضروره دوام ایتز. اسباب آنفیه بناء طبقه
قشریه قادینه ارککک طبقه قشریه سندن اول ضعفه وپور غولغه کرفار
اولدینه وباخصوص قادینه مزاج عصی (مالیخولیا) غالب اولوب
و طبقه قشریه سی جهوده اوغرایوب ضایع اولان قوتلری قولا یقله
تلافی ایدم مدیکنه نظراً بو طبقه نك شئون مختلفه سی اعتباریله سریر بصری یه
اولان درجه تأثیرینی ادراک ایتک وسریر بصرینك حیات نفسیه اعتباریله
طبقه قشریه ده کی آثار ونتایجی قولا یقله آکلامق ممکندر.

بو تدقیقات مثبت و بو آچیق حقیقتلر قارشیسندن ذکور ایله اثاث
آره سندن مساوات مطلقه ادعا ایدن مذاهب اصحابی متحیر قالب نه
دییه جک لری بیله میور وبولر قارشی هیچ بر حجت اقامه ایدم میورلر.
لکن بونلرک هنوز قلبلرینه یأس دینیان شی اوغرایوب حالا خصملرینك
ضعیف طرفلری آراشدیروب اور لردن هجومی کوزله مکده. وتدقیقات
علمیه نك مکنوز اولان اسرار کائنات ایچندن لهرینه چیقارده جفی
خزان معلوماته انتظار ایتکده درلر. حتی کونک برنده هرا یکی طائفه نك
(ذکور ایله انانک) یارادیلشجه اولان طبیعی فرقلری قادینلرک ازمنه
سالفه ده کچیرمش اولد قلی حیاته عطف ایدرک بو فرقلری قرون ماضیه ده
ارککککک تملادی ایدن جنایاته الحاق ایدم جک لری بیله کوز مزك اوکته
کلیور. بونلر خصملری الزام ایچون ارکککک ایله قادینلرک ات، قان
وعضله جه وخشونت، ثقلت و حجمجه مساوی اوله جق لری، تعبیردیگرله
عالم وجودده یکدیگره هم بزم اوله بیله جک ارککککدن وبر برینه هر خصوصه
بکزر افراددن بشقه سی بولونیه جفی زمانه قدر بکلیه جک لردر. مع هذا
بز شوندن امیز که بتون مترقی مملکتلرک قادینلری کیمک لرینك ثقاتی،
عضله لرینك کثافتی، قره جک لرینك غلظتی، جسملرینك اعتباریله
ارککککله یاریشسه چیقوبده بوکا مقابل رقت قاب ایله بوی بوس
کوزلدکنندن غائب ایتدک لری کی جویککککلرندن واعضای بدنلری
سرعتله قوللانه بیلیمکدن ده محروم قالمغه راضی اولزلر. قادینلری اصول
خلقیه ده دخی ارککککله اوموز اوپوشمکه سوق ایدنلر بر وحشی
مملکتلرده کی قادینه برده الک مترقی مملکتده یاشایان همشیره لرینه عطف
نظر ایتسه لر قادینک مدینته ایلر ولدیکه واستقلال وحریتی آرتد قجه
هانکی یوللردن کچدیکنی عیان بیان کورورلر.

قادین ایله ارکک آره سندن کی مادی وعقلی فرقلر حقنده مذاهب
مختلفه اصحابنك سوزلری بونلردن عبارت اولوب خلاصه لری شوکا

نواقصی، خطا لرینی علماً ارانہ ایللری لازمدرکه، دعوالرینی قرانہ بیلیمش اولسونلر، اساسات اجتماعیہ مزک احتیاجات مزہ تمامیلہ کافی اولوب اولدیغنی، یکی احتیاجلر قارشوسنده تجدد و تکاملی اساس اوله رق قبول ایدن اسلامیتک هر درده دوا بولوب بوله میه جنی خصوصنده تردد کوسونلر ایچون میدان مناظره هر زمان آچتدر.

روح اسلامیتده مترددلری تنویر والزام ایدم جک بیکلرجه دلیل، حجت، برهان قاطع موجوددر. حقوق اسلامیه نک حیات دنیویه عائدیتدن دولای الزیاده تنقید ایدیلن قسملری «معاملات و عقوبات» جهتلریدر. تعبیرات زمانیه کوره «حقوق و جزاء» اولق اوزره ایضاحی طبیعی اولان بو احکامک روحی طبیعت بشریه، احتیاجات اجتماعیہ و محیطیه ایلہ مترافقاً جمعیتک نظام و آسایشک ادامہ سی، حریت مساعینک، مساواتک، حریت شخصیه نک، حریت کلامک محفوظلیق، مناسبات ناسک تنظیمی، انکشافات شخصیه نک، حقوق فردیه و عمومیه نک تأمین غایلرینه متوجهدر.

قانون مدنیہ نک قیمت اساسیه سی جهانشمول بر حالده در. باسلیجه غرب علمای حقوقیوننک مطالعه لرینی اشهاد ایدم رک قوانین مدنیہ مزک احاطه، عدالت، شمول، قابلیت و مناسبات اجتماعیہ نقطه نظرندن عصری دنیلن غرب اقوامنک احکام مدنیہ لرینه هر صورتله فائق اولدیغنی بحق اعلان ایدم بیلیر. دها بر قاج آی اول انکلتزه مشاهیر سیاسیون و اجتماعیونندن «ماق ماهون» مسلمانلغه عائد طائفه حقوقک غربیه نسبت قبول ایتیه جک درجه ده مکمل و مسلمان قادینلرینک هر صورتله دها مسعود اولدیغنی صراحة اعترافه مجبور قالمشدی. اگر محتاج توسیع بر ماده واریسه، یا خود هر هانکی بر احتیاج مواجهه سنده بعض احکام وضعی در پیش ایدیلرسه مأخذی کتاب وسنت اولان ائمه دینک احتیاجات زمانیه موافق قولیلہ عمل و دفع ضرورت ایدلمسی هر زمان ممکندر. ضرورت وقوعنده اساسات اسلامیه داخلنده «استحسان» طریق شرعیسندن استفاده ایتیمکه نه مانع واردر؟ بوقدر اسباب یسر و تکامل موجود ایکن غرب مدوناننک عیناً اخذی لزومه قائل اولق بیوک بر انصاف سزلق اولور.

عقوباته کلنجه: فرانسر قانون جزاسندن عیناً ترجمه صورتیلہ وجوده کتیردیکمز والیوم معمولیه اولان جزا قانوننامه سنک نه درجهیه قدر مکمل اولدیغنی صلاحیتدار اولان ذوات توضیح بیورسونلر. بالکنز حقوقیلر مزک عمومی تلقیلری هر حالده روح و توازن اعتباریلہ آهنگدار بر کل تشکیل ایدم مدیکی مرکزنده در. بوکون موجود قوانینه رغماً ینه مجرملر متنبه اولمایه رق یکی جرملرینه دوام ایدیورلر. جزالر ایه کرک متجاسرلری، کرکسه هیئت اجتماعیہ افرادی اوزرنده عبرت مؤثره تشکیل ایدم جک بر قوتده دکلددر.

هیچ بروقت عصر حاضر «میخانیک» برطرز مدیت عدایدیلہ من. ساحه ساحه بتون غربی بیک دورلو جریانلر، فکری، اداری، سیاسی، علمی، اجتماعی اختلافلر ایچنده ارانہ ایدن حادثات خاربه کوستریورکه: بشریت برما کنه دن، مادیاتله ایشله ین یکنسق برآلندن عبارت عدایدیلہ من. «عصر یلک» ایه مفکوره وی بر تکامل تصویریدرکه: آجق اسلامیق الیوکسک رفاهه، الکواسع حضوره، آسایشه نائل ایدم جک بروجهه ارانہ ایدم بیلرسه مساسنه مطابق اولور. عکسی تقدیرده «حال حاضر» معناسی افاده ایدرکه بوده بشریتک رفاه و سعادت دیمک دکلددر.

هر هانکی بر حادثه نتایجیلہ تحلیل اولوناماز. بامکه حاکم اولان روح ایلہ افاده اولنور. فلان قانون، فلان اداره، فلان مسسلکک احتیاجانه کافل اولدیغنی تثبیت ایچون اوقانونه، اودارمه، اومسلکک حاکم اولان روحی تدقیق ایتیم لازمدر. شو حالده عصر لر دنجری مسلمان بر ملت، مسلمان بر حکومت حالنده یشادینمز و یشاه قده اولدیغمز جهتلہ شرعه استناد ایتیمی لار ممکن قانونلر مزک، غنما نمزک احتیاجات عصریه و وافق ایدوب ایتیمیکنه حکم ویره بیلیمک ایچون اول امرده بوکیانک اساسی، روحی، منبغی، طرز تجلیسی، انکشافه اولان استعدادی، مختلف زمانلرده، مختلف شکللرده تطبیقاتی آری آری محاکمه ایتلی بز.

احکام شرعیه دنیا و آخرته شامل اولق اوزره: اعتقادات، عبادات، معاملات و عقوبات قسملرینی محتویدر. صورت عمومیه ده محاکمه ایدیلرسه بواقسامک هر بری دیگرینک لازم غیر مفارقی اولدیغنی کوریلور. کندیسنک و مکوناتک البته بر خالق اولدیغنی دوشونن هر انسان ایچون عبادات نه قدر طبیعی بر لازمه ایه الله دوشونجه سندن تولد ایدن حقوق و وظائفک حیات شخصیه و عمومیه ده تجلیاتی اعتباریلہ معاملات و بونلرک قوه تأییدیه سی اولان عقوبات ده او قدر ضروری بر لازمه اوله رق اثبات وجود ایدر. اساس و روح اعتباریلہ یکدیگرینک متممی اولان بوکیانک مبدای معرفه اللهدن بشقه بر شی دکلددر. هر بریسی ایچون آری بر مبدأ تصور اولنورسه نظام و آهنگک بشر مختل اولور. انسانیت یکی بر بابل وقعه سی یاشار. جهانده حکمران اولان قرار سزلقلری بوفتحانک مقدماتی اوله رق قبول ایتیمکه ارباب عقول تردد ایتزلر.

بناء علیه، قانونلر مزک، غنما نمزک ماضیدن ملهم اولمشنی وسیله استخفاف اتخاذ ایدم رک دکل، هانکی اساسک هانکی احتیاجه تقابل ایتیمیکنی ایضاح و اثبات صورتیلہ یکی بر مبدأ ادعا اولنه بیلیر. ملیق اولیان علم و صنایعدن بشقه، روحاً، فکراً، بتون کلیاتیلہ آوروپالیلاشمق ایستین غریجیلر مزک مقصدلری هیئت اجتماعیہ مزه رفاه و سعادت کتیرمک ایه، هر شیدن اول موجود و متغضی شکل اجتماعیمزک و مبدألر مزک

فحش و زنا و لذت باش دوندوریجی سرعتله ترایدندن ، امراض
افرنجیه نك مستولی بر صورتده نسلی تخریب ایتمه سندن متأسف اولمایان
و بر عذاب حس ایتمین هیچ بر فرد تصور اوله ماز . دیسپانسر لک قیوداتی
ایم اولان حقیقی دها وضوح ایله کوستریور . صوك سنه لرده فحش
کنج قیزلرده یوزده اون ، ناموسلی قادینلر میاننده یوزده آتی نسبتنده
تراید ایتشد . قوانین جزائیة مزك احکامی صراحة کوستریور که محافظه
ومدافه سی لابد و ضروری اولان اخلاق عمومی بی صیانته کافی
شدت و روحی احتوا ایتمه مکده در .

کمال شکران و افتخار ایله یادی بر وظیفه عد ایلدیکمز بیوک ملت
ملت مجلسمزك رسالت اجتماعی بی ، ناموس و عفتك یوکسك قدرینی
اعلا ایتمکده اولان صوك تکلیف قانونیسی بو وضعیت قارشوسنده
عنعنات ملیه نك قدسی و محترم بر هیجان ایمان ایله ناصل مدافعه ایدلمکده
اولدیفنی کوستریور . عدلیه انجمنجه حواله ایدیلن بو مهم تکلیفك
اسباب موجب سنده ده نیلیور که : « مملکت مزده قیسه بر زمانده وجوده
کلوب سرعتله انکشاف ایدن اجتماعی انقلاب سوء اخلاقه بیوک
بر جریان ویرمشد . معیشت احتیاجی قارشوسنده حیاه ارککلر کی
آلتق مجبوریتده بولان قادینلر وبالخاصه کنج قیزلر حیات مجاهدلسنك
دها ایلك صفحه لرنده اکثریتله مدھش کردابلر یوارلانق تهلک سنده
بولونیورلر . وطنك اك بیوک یارده لرندن بری اولان اخلاقی تردیانك
بوندن دها موجز بر تشریحی اوله ماز . لایحه نك دیگر بر نقطه سنده : « بناء علیه
ضرب ملتلرینك جزا قانونلرینی عیناً تطبیق ایتك دوغرو اوله ماز . »
مطالعه سی در میان ایدیلیور . ملتك حس و روحه ، امرجه و طبایعه
مخالف اولان و بشقه ملتلر ایچون محلی احتیاجاته نظراً تدوین ایدیلن
اجنبی قانونلرینك بلاتدقیق عیاً ترجمه و قبولی صورتیله گرفتار اولدیفمز
اجتماعی و عمومی ضررلرک ازاله سی مقصدینی استهداف ایتدیکی اگلاشیلان
بورھاکار فکرلرک انشالله ملت مزك اساساتی داخلنده ارتقایه کسب
لیاقت ایلدیکی مراتب مدنییه ایصالنده رهبر اوله جفته امین و مستریم
بولونیورز .

موسی مکت

قومونیزم

علیرشده موسی هارالله افندیك نشر ایتدیکی کتاب

روسیه نك الك مشهور علماسندن موسی جارالله افندی ، نشر ایتدیکی بر کتاب
یوزندن بولشه و یکار طرفندن توفیق ایدیلدیکی کچن نسخه مزده یازمشدق . بو کتابك
بولشه و یکار علیهنده شایان دقت معلومات و مطالعاتی احتوا ایدن مدخلی - پك
جزئی کلمه لری شیوه مزه اویدوره رق - هیناً بوجه آتی درج ایدیورز :
اؤن طقوزنجی عصر اورتلرنده بدین قارل ماقس کی مادی

اقتصادیونك دورین آچیق کوزلرینه کورون ، ضربده اسکی مدنیت
دنیا سنك مرکز لرنده طولاشوب دوران فتنه خیاللرینك سیاسی ،
اجتماعی ، اقتصادی سبیلری یکرمنجی عصر ایتدلرنده بر یوزنده بوتون
قوتیله دوام ایدیور ؛ حق ، بیوک فتنه لرك علامتلی اولق اوزره
نحسین ، یعنی (زخل) ایله (مریخ) ك كوك یوزنده قرانلری ده ۱۹۱۲ ده
واقع اولیور ؛ دیانت دنیاسیله مدنیت دنیاسنك صوك درجه فسادلرینك
ضروری بر نتیجه سی اولق اوزره دهشتلی حادثه لرك ، غایت بیوک
انقلابلرک حادث اوله جقلرندن خبر ویریورلردی . لکن کرک مدنیت
دنیا سنده ، کرک دیانت دنیاسنده نه ایشیده جك قولاق واردی ،
نده کوره جك کوز ا

حاقبت ، مدنیت دنیاسنك غایت بیوک فسادلرینك ، غایت فاحش
عدالتلرلرینك ، انسانلرک اجتماعی کناهکارلرینك ، سیاست و ریاست
احتراسلرینه طویماز امللرینك ، بوتون دولتلرک قوت میدانلرینده کی
مسابقه لرینك ضروری و طبیعی بر نتیجه سی اولق اوزره ۱۹۱۴ ده مدنیت
محاربه سی ، بوتون دنیا محاربه سی باشلادی ؛ بیوک قیامتك اك بیوک
دهشتلرینه نمونه اولق اوزره ، درت بش سنه دوام ایتدکدن صوکره ،
الوهیت ، دیانت ، جمعیت ، دولت ، انتظام دشمنی ، آنا رشیست
بدین قارل مارقسك جنی تدبیرلریله حاضر لاش ، انتقام غضبیله ،
بدینلک زهریله زهرله نمش بیوک عسکرک ، یعنی پروله تادیالرک بیوک
قوتی ، قهرمان قوماندانلرینك جسورانه حرکتلری سایه سنده مدھش
اختلال (ره وولوسیون) مدنیت دنیاسنك بوتون اساسلرینی ، بوتون اثرلرینی
تخریب ایتك عزیمتله باشلادی . مدنیت مرکز لرنده بدین قارل مارقسك
اوزاخی کورن کوزلری اوکنده یتش ایکی سنه مقدم طولاشوب طوران
فتنه خیاللری بوکون دهشت ظلمتلی ایچنده ، مدنیت قبرستانی اوستنده
مهیپ بر شکله سوسیالیزم لباسیله ، قومونیزم صورتیله ظاهر اولدی ؛
روسیه ده مدنیتك بوتون اثرلرینی ، بوتون اساسلرینی خراب ایتدی ؛
آچلق ایله ، یوقلق ایله بوتون انسانلری بایمال ایلدی ؛ حریت شعاریله ،
آزادلق دعواسیله بوتون دینلری ، بوتون تعلیملری انکار ایتدی .

روسیه معارف و صنایع جهتیله مدنی دولتلرک هپسندن کری ایسه ده
انقلاب حرکتلری ایچون ضروری اولان فتنه قوتی روسیه ده قایت
بیوک ایدی . اختلال رهبرلری ، ره وولوسیون دیپلوماتلری فرصتی غنیمت
بیله رک هر طرفدن قوشوب روسیه ده طوپلانیدیلر . الك مساعد برزمینده ،
ساعتی تمام حلول ایتش بر زمانده انقلاب حرکتلری باشلادی .

محاربه لرله خراب اولوب قالان شهرلر ، قریه لر اختلال و حشیه
تماماً یاغما ایدلیدی ؛ عائله لر محو اولدی ؛ شهرلر ، قریه لر بوم بوش
قالدی . انته رناسیونال نامیه ملیتلرک هر بری ، دینلری ، معبدلری ،
محکمه لری ، قانونلری تحقیر اولوندی . دیوان حربلرک ، فوق العاده